

DIVINI AMORIS DISCORDIA

DE

S. SPIRITVS

ADVENTV.

ORATIO

Habita in Sacello Pontificio.

AD SANCTISSIMVM D. N.

INNOCENTIVM XI.

PONT. MAX.

AB ANTONIOTTO INVREA

Sem. Rom. Conuict.



ROMÆ, Typis Io: Francisci de Buagnis. 1689.

SVPERIORVM PERMISSV.



SANCTISSIMO DÑO NOSTRO
INNOCENTIO XI.
PONTIFICI MAXIMO.

ANTONIO TTVS IN VREA
Felicitatem.

Nobilem cum vitijs
Diuini Amoris
Discordiam gestas
in Pectore Vica-
rio Diuinitatis : BEATIS-
SIME PATER. Ibi enim
Virtutes omnes contra alie-
na Flagitia insurgunt; ibi su-
perstitionem, & Hæresim,
Vaticani Oraculi Veritas
confodit; ibi in Prædonem

Animarum, Erebiq̃ue furias,
Diuini ipsius Amoris phare-
tris armatur Innocentia.
Mirum ergò non accidat, si
balbutiens Orator tenuem
huiusmodi Orationem ad
Sacri Nominis Tui Maiesta-
tem allegat. Debetur sanè
Tibi, cui Cœlestis Spiritus
expressit in Animo, quidquid
hic probare nititur rudis pla-
nè Facundia. Vt proindè
mihi Auditores subscribant;
me non audiant, Te videant.
Hic tamén tacendum mihi
esse intelligo. Discordiâ
ením suâ Diuinus Amor tuis
quòque laudibus te reddidit
Inimicum.

ORA-



ORATIO.



MOREM^m Concordiæ
Magistrum hætenus hu-
mana Ingenia credide-
rint. BEATISSIME
PATER. Mutauit cer-

tè Præceptor igneus hodierna luce sen-
tentiam. Prodit in publicum adscitis
in satellitium fragoribus, & coruscan-
ti diuifus multiplicitate linguarum :
apertoque apud Hierosolymam Athe-
næo, vt ingentes discipulos omnem ve-
ritatem edoceat, docet discordiam. Ne
in Paradoxum Oratio ambitiosè dege-
neret, admirabilis aperire placet dissen-
sionis naturam. Interim, vt benè ament,
mortales intelligant Diuinum Amorem
in Cælo suâ sibi seposuisse Concordiam:
in terris verò nil ardentius sitire, quam
dissidia.

Et

Et meritò quidem. Errauerant enim in horto voluptatis Primi Parentes, Concordi nimium admissione facinoris; paruumque gemini capitis Populum discordem fecerat Deo infelix Córdia Animorum. Sensit tùm primum Inimicam sibi coniunctionem diuinus Amor; diuisionemque omnium maximam Terris intulit, Mortem. Sed eludente adhuc Vitij Contumacia remedium légauit Deus ad Posteris Adæ filium; qui gladium in terras immitteret, & hominem ab homine separaret. Plus tamèn Actum est hodie. Ignis additur gladio, vt videlicet effîcacíssimi Vis elementi perniciofa Animorum, vincula non incidat tantummodò, sed & consumat; Deuoratoque penitus hoste, diuinam firmet Amicitiam bellatrix Discordia Charitatis.


Ex Augustis igitur Cœnacuли latebris illustre diffidium erumpit. Audio nobilem vocum confusionem, & multiplicis loquelæ acrium veluti labyrinthum.

thum. Igneo eruditi Magistro Doctores Gentium, iam cum superstitione disputant, iam Diuina Dogmata humanis opponunt, iam Tyrannos accusant, iam Præsides repræhendunt; & ne quid admirabili desit discordiæ, ipsi à se Terrarum, & marium interuallo secreti, vnà cum Sole sparguntur.

Eat nunc, & obsidionalem Cælo Turrim Nembrothus admoueat: Feralem Gigantum Concordiam Diuinus Amor Castigabit: Cadent de Cælo linguæ; Pluet labilis Discordia; eritque illic poena, quod hic est Beneficium.

Et sanè beneficentissima huiusmodi Dissensio, quantum Diuino arrideat Amori: vel ex ipsis Sacrarum Literarum Oraculis licet colligere. Amantissimus enim ille Terrarum Incendiarius non solum Ignis, sed etià aquæ nomine frequenter obuolutus, visus est aduocasse in significationem desiderij sui, vel ipsam discordiam Elementorum. Certo certius credimus post repentiam

nam Spiritus vehementiam cecidisse
 hac luce de Cœlo flammæ: Reginus ta-
 men Vates postquàm intonuit de Cœlo
 Dominus, fontes aquarum apparuisse
 confirmat. Audimus in Sacris precibus
 nil enixiùs fideles petere, quàm vt igne
 suo Diuinus Amor pectora humana
 comburat, interim Anxia Voti Religio,
 intima Diuini roris aspersione sinum
 sibi postulat fœcundari: Quid plura?
 Videmus ibi lucidiora Cœlestis Spiritus
 Argumenta, & maiora Diuini Amoris
 incendia; vbi fides in largiores fletus,
 effunditur, vbi frequentius Pietas illa-
 crymatur. Quænam isthæc ignis, &
 aquæ satis discors significatio? vt nimi-
 rum lucē clarius appareat, Diuinum
 Amorem in Cœlo tantum suam sibi
 parasse concordiam, in hoc verò Terra-
 rum ambitu otiosæ quietis inimicum,
 discordiam cum Vitijs quærere, nobiles
 cum criminibus pascere lites, & specio-
 sa cum erebo amare diffidia.



L A V S D E O.